



# 叢書集成三編 第九四冊目錄

史地類



## 先秦史——春秋

春秋經傳比事二十二卷·····

清 林春溥撰

竹柏山房

○九四 〇〇一

春秋繁露集註二卷·····

清 董金鑑撰

董 氏 台

大 ○九四 二六九

## 先秦編年

戰國紀年六卷附年表·····

清 林春溥撰

竹柏山房

○九四 二九五

## 先秦別史

逸周書補注二十二卷首一卷末一卷·····

清 陳逢衡撰

陳 氏 台

大 ○九四 四四九



古曰秋正德上事



咸豐元年辛酉

# 春秋經傳比事

中柏山房刊

## 敬告讀者

歷年來，本公司所整理出版古籍善本（孤本、珍本）皆一時精選絕版好書，經歷了數十年，甚至數百年木刻刷版，因彼時情景不同，致有好壞殊異，本欲重行排印，又恐泯滅原版價值，且手民校植錯誤難免，遺害更大，故仍其舊，深望仁人君子多所參攷，並乞見諒！！

新文豐出版公司 謹啓

### 春秋經傳比事序

傳春秋者左氏尚矣自杜元凱始分經之年與傳相附讀者便之元明以來又有分年之事與傳相比者如郝經之春秋三傳折衷安熙之春秋左氏綱目曾震之春秋五傳始左氏次公羊穀梁胡氏而取止齊陳氏之說附於後鄭玉之春秋經傳闕疑陳氏之春秋類編李廷璣之左傳綱目定註據朱彝尊經義考惟鄭李二書尚存余惜未見也今坊刻有吳蘭陔鑒定之春秋左傳蓋以仁和張岐然春秋五傳為藍本者然其經出入三傳例既不純編次年月經傳錯互之處先後又多失倫非善本也余向讀左傳每苦其繁思稍節以為讀本久而攷其始末而後知其不可刪也非惟不可刪其有經無傳者且惜其略也於是參之公穀以廣其義附以國語史記以補其遺而又懼其雜而複也慎而取之其經則專以左氏為主而附註其異文析傳以附經亦離經以就傳傳之日月或與經異則兩不相蒙移就者註其原次於下有傳無經者以圈別之其每年逸事不知何月者附錄於後孔子曰屬辭比事春秋教也余既上紀古史下紀戰國而於春秋尤不可無述也故成此編使三書相為首尾云道光二十有一年九月甲寅三山林春溥序

### 春秋比事序

春秋經傳比事卷一

閩 林春溥 鑑塘

隱公名息姑惠公之子母齊法不尸其位曰隱

惠公元妃孟子卒繼室以聲子生隱公宋武公生

仲子仲子生而有文在其手曰為魯夫人故仲子歸于

我生桓公而惠公薨是以隱公立而奉之

元年己未○周平王宜曰四十九年○齊僖公禘父九年○晉鄂侯都二年○曲沃莊伯十一年○鄭莊公寤生二年○杞桓公終生三十五年○陳桓公鮑二十三年○杞武公二十九年○宋穆公和七年○秦文公四十四年○楚武王熊渠十九年

春王正月

元年春王周正月不書即位攝也

三月公及邾儀父盟于蔑凡邾公羊皆作邾婁公載並作昧竹書作始蔑○公羊曰及

我欲之穀梁曰不日其盟渝也

三月公及邾儀父盟于蔑邾子克也竹書作邾莊公未王命故

不書爵曰儀父貴之也公攝位而欲求好於邾故為蔑

之盟

○夏四月費伯帥師城郕不書非公命也

夏五月鄭伯克段于鄆

初鄭武公娶于申曰武姜生莊公及其叔段莊公寤生

驚姜氏故名曰寤生遂惡之愛其叔段欲立之亟請於

武公公弗許及莊公即位為之請制公曰制巖邑也號

叔死焉佗邑唯命請京使居之謂之京城大叔祭仲曰

都城過百雉國之害也先王之制大都不過參國之一

中五之一小九之一今京不度非制也君將不堪公曰

姜氏欲之焉辟害對曰姜氏何厭之有不如早為之所

無使滋蔓蔓難圖也蔓草猶不可除況君之寵弟乎公

曰多行不義必自斃子姑待之既而大叔命西鄙北鄙

貳於己公子呂曰國不堪貳君將若之何欲與大叔臣

請事之若弗與則請除之無生民心公曰無庸將自及

大叔又收貳以為己邑至于廩延子封公子曰可矣厚

將得眾公曰不義不暱厚將崩大叔完聚繕甲兵具卒

乘將襲鄭夫人將啟之公問其期曰可矣命子封帥車

二百乘以伐京京叛大叔段入于鄆公伐諸鄆五月

辛丑大叔出奔共書曰鄭伯克段于鄆段不弟故不言

弟如二君故曰克稱鄭伯譏失教也謂之鄭志不言出

奔難之也穀梁曰其鄭伯之處心積慮成于殺也于鄆遠也猶曰取之其母之懷中而殺之云爾

遂寘姜氏于城穎而誓之曰不及黃泉無相見也既而

悔之穎考叔為穎谷封人聞之有獻於公公賜之食食

舍肉公問之對曰小人有母皆嘗小人之食矣未嘗君

之羹請以遺之公曰爾有母遺繫我獨無穎考叔曰敢

問何謂也公語之故且告之悔對曰君何患焉若闕地

及泉隧而相見其誰曰不然公從之公入而賦大隧之

中其樂也融融姜出而賦大隧之外其樂也洩洩遂為

母子如初君子曰穎考叔純孝也愛其母施及莊公詩

曰孝子不匱永錫爾類其是之謂乎

秋七月天王使宰咺來歸惠公仲子之賵穀梁曰乘馬曰賵衣衾曰緘具財曰賵

秋七月天王使宰咺來歸惠公仲子之賵緩且子氏未

薨故名天子七月而葬同軌畢至諸侯五月同盟至大夫三月同位至士踰月外姻至贈死不及尸弔生不及

哀豫凶事非禮也

○八月紀人伐夷夷不告故不書有蜚不為災亦不書

九月及宋人盟于宿穀梁曰及者何內卑者也宋人外卑者也卑者之盟不日

惠公之季年敗宋師于黃公立而求成焉九月及宋人

盟于宿始通也

○冬十月庚申改葬惠公公弗臨故不書惠公之薨也有

宋師太子少葬故有闕是以改葬衛侯來會葬不見公

亦不書○鄭其叔之亂公孫滑叔段出奔衛衛人為之

伐鄭取廩延鄭人以王師號師伐衛南鄙請師於邾邾

子使私於公子豫讓請往公弗許遂行及邾人鄭人盟

春秋比事卷一

于翼不書非公命也○新作南門不書亦非公命也

冬十有二月祭伯來穀梁曰實內諸侯非有天子之命不也聘以錫矢不出竟場束脩之內不行竟中有至尊者不貳之也

十二月祭伯來非王命也

公子益師卒公羊曰何以不日遠也所見異辭所聞異辭也

衆父卒公不與小斂故不書日

二年春公會戎于潛穀梁曰會者外為主焉爾知者慮義者行仁者守有此三者然後可以出會會戎危公也

二年春公會戎于潛脩惠公之好也戎請盟公辭

夏五月莒人入向公羊曰入者何得而不居也

莒子娶于向向姜不安莒而歸夏莒人入向以姜氏還

無駭帥師入極公羊曰無駭者何展無駭也何以不氏駭疾始滅也此滅也其言人何內大惡諱也

司空無駭入極費彥父費勝之

秋八月庚辰杜註八月無庚辰庚辰七月九日也日月必有誤公及戎盟于唐

戎請盟秋盟於唐復脩戎好也

九月紀裂繻公穀並來逆女公羊曰女在其國稱女在途稱婦入國稱夫人

九月紀裂繻來逆女卿為君逆也

冬十月伯姬歸于紀

紀子帛公穀並莒子盟于密

冬紀子帛莒子盟于密魯故也杜註子帛裂繻字也魯有紀侯既昏于魯使大夫盟莒以稱之故比之內大夫而在莒子上稱字以嘉之

十有二月乙卯夫人子氏薨杜註隱讓桓以為太子成其喪以赴諸侯故稱夫人也

春秋比事卷一

鄭人伐衛討公孫滑之亂也

三年辛春王二月己巳日有食之杜註此食是三月朔也

三月庚戌天王崩

三年春王三月壬戌平王崩赴以庚戌故書之史記曰太子洩

父蚤死立其子林是為

夏四月辛卯君氏卒公穀並作尹氏○公羊曰尹氏何卿也外大夫不卒此何以卒大夫諸侯之主也

夏君氏卒聲子也不赴于諸侯不反哭于寢不禔于姑

故不曰薨不稱夫人故不言葬不書姓為公故曰君氏

○鄭武公莊公為平王卿士王貳于號鄭伯怨王王曰無

之故周鄭交質王子狐為質於鄭鄭公子忽為質於周

王崩周人將畀號公政四月鄭祭足帥師取溫之麥秋

又取成周之禾周鄭交惡君子曰信不由中質無益也  
明恕而行要之以禮雖無有質誰能開之苟有明信澗  
谿沼沚之毛蘋蘩藎藻之菜筐筥錡釜之器潢汙行潦  
之水可薦於鬼神可羞於王公而況君子結一國之信  
行之以禮又焉用質風有采蘋采蘋雅有行葦泂酌昭  
忠信也

秋武氏子來求賻梁曰歸死者曰賻歸生者曰賻周雖  
以求之求之為言得不得  
未可知之辭也交義之

武氏子來求賻王未葬也

八月庚辰宋公利卒穀梁曰諸侯  
日卒正也

宋穆公疾召大司馬孔父而屬殤公焉曰先君舍與夷  
而立寡人寡人弗敢忘若以大夫之靈得保首領以沒

春秋比事卷一 隱公 五

先君若問與夷其將何辭以對請子奉之以王社稷寡  
人雖死亦無悔焉對曰羣臣願奉馮也公曰不可先君  
以寡人為賢使王社稷若棄德不讓是廢先君之舉也  
豈曰能賢光昭先君之令德可不務乎吾子其無廢先  
君之功使公子馮出居於鄭公羊曰宣公謂穆公曰以  
吾愛與夷則不若愛女以  
為社稷宗廟王則與夷不若女蓋終為君矣宣公死穆  
公立穆公逐其二子莊公馮與左師勃曰爾為吾子生  
母相見死毋相哭與夷復曰先君之所為不與臣國之  
納國乎將致國乎與夷曰非先君之意也且使子而可  
逐則先君其逐臣矣穆公曰先君之不爾逐可知矣吾  
立乎此與夷也八月庚辰宋穆公卒殤公即位君子曰  
宋宣公可謂知人矣立穆公其子饗之命以義夫商頌  
曰殷受命咸宜百祿是荷其是之謂乎

冬十有二月齊侯鄭伯盟于石門

冬齊鄭盟于石門尊盧之盟也庚戌鄭伯之車僨于濟  
癸未葬宋穆公公羊曰當時而不日正也當時而日危不  
得葬也此當時何危爾君子大居正宋之  
為之也

○衛莊公娶于齊東宮得臣之妹曰莊姜美而無子衛人  
所為賦碩人也又娶于陳曰厲嬀生孝伯早死其娣戴  
嬀生桓公莊姜以為己子公子州吁嬀人之子也有寵  
而好兵公弗禁莊姜惡之石碻諫曰臣聞愛子教之以  
義方弗納於邪驕奢淫泆所自邪也四者之來寵祿過  
也將立州吁乃定之矣若猶未也階之為禍夫寵而不  
驕驕而能降降而不憾憾而能診者鮮矣且夫賤防貴  
少陵長遠開親新開舊小加大淫破義所謂六逆也君  
義臣行父慈子孝兄愛弟敬所謂六順也去順效逆所

春秋比事卷一 隱公 六

以速禍也君人者將禍是務去而速之無乃不可乎弗  
聽其子厚與州吁游禁之不可桓公立乃老

四年王戊○周桓王林元年  
○宋穆公與夷元年  
公羊曰外取邑不書此  
何以書疾始取邑也春王二月莒人伐杞取牟婁

戊申衛州吁弑其君完州穀梁作  
祝下同

四年春衛州吁弑桓公而立

夏公及宋公遇于清

公與宋公為會將尊宿之盟未及期衛人來告亂夏公  
及宋公遇于清

宋公陳侯蔡人衛人伐鄭

宋殤公之即位也公子馮出奔鄭鄭人欲納之及衛州  
吁立將脩先君之怨於鄭而求寵於諸侯以和其民使



魯於宋曰君若伐鄭以除君害君為主做邑以賦與陳蔡從則衛國之願也宋人許之於是陳蔡方睦於衛故宋公陳侯蔡人衛人伐鄭詩小序曰州吁使公孫文仲與陳蔡伐鄭國人作擊鼓之詩圍其東門五日而還公問於眾仲曰衛州吁其成乎對曰臣聞以德和民不聞以亂以亂猶治絲而棼之也夫州吁阻兵而安忍阻兵無眾安忍無親眾叛親離難以濟矣夫兵猶火也弗戢將自焚也夫州吁弑其君而虐用其民於是乎不務令德而欲以亂成必不免矣秋鞏帥師會宋公陳侯蔡人衛人伐鄭秋諸侯復伐鄭宋公使來乞師公辭之羽父請以師會之公弗許固請而行故書曰鞏帥師疾之也公羊曰何以不稱公也諸侯之師敗鄭徒兵取其未而還

九月衛人殺州吁于濮公羊曰其稱人何謂賊之辭也殺也梁曰其月諱之也于濮者諱失賊也州吁未能和其民厚問定君於石子石子曰王觀為可曰何以得觀曰陳桓公方有寵於王陳衛方睦若朝陳使請必可得也厚從州吁如陳石碯使告于陳曰衛國福小老夫耄矣無能為也此二人者實弑寡君敢即圖之陳人執之而請蒞于衛九月衛人使右宰醜蒞殺州吁于濮石碯使其宰孺羊肩蒞殺石厚于陳君子曰石碯純臣也惡州吁而厚與焉大義滅親其是之謂乎

冬十有二月衛人立晉衛人逆公子晉于邢冬十二月宣公即位書曰衛人立晉眾也

五年公晉元年春公矢魚于棠並作觀

五年春公將如棠觀魚者臧僖伯諫曰凡物不足以講大事其材不足以備器用則君不舉焉君將納民於軌物者也故講事以度軌量謂之軌取材以章物采謂之物不軌不物謂之亂政亂政亟行所以敗也故春蒐夏苗秋獮冬狩皆於農隙以講事也三年而治兵入而振旅歸而飲至以數軍實昭文章明貴賤辨等列順少長習威儀也鳥獸之肉不登於俎皮革齒牙骨角毛羽不登於器則公不射古之制也若夫山林川澤之實器用之資阜隸之事官司之守非君所及也公曰吾將略地焉遂往陳魚而觀之僖伯稱疾不從書曰公矢魚于棠非禮也且言遠地也

○曲沃莊伯以鄭人邢人伐翼王使尹氏武氏助之翼侯奔隨

夏四月葬衛桓公

夏葬衛桓公衛亂是以緩

○四月鄭人侵衛牧以報東門之役衛人以燕師伐鄭鄭祭足原繁洩駕以三軍軍其前使曼伯與子元潛軍軍其後燕人畏鄭三軍而不虞制人六月鄭二公子以制人敗燕師于北制君子曰不備不虞不可以師○曲沃叛王秋王命虢公伐曲沃而立哀侯于翼秋衛師入郟凡郟公羊並作盛○穀梁曰入者內弗受也將界師衆曰師衛之亂也郟人侵衛故衛師入郟九月考仲子之宮公羊曰隱為和也初獻六羽

春秋比事卷一 隱公 七

春秋比事卷一 隱公 八

九月考仲子之官將萬焉公問羽數於叔仲對曰天子用八諸侯用六大夫四士二夫舞所以節八音而行八風故自八以下公從之於是初獻六羽始用六佾也  
邾人鄭人伐宋

宋人取邾田邾人告於鄭曰請君釋憾於宋做邑為道鄭人以王師會之伐宋入其郛以報東門之役宋人使來告命公聞其入郛也將救之問於使者曰師何及對曰未及國公怒乃止辭使者曰君命寡人同恤社稷之難今問諸使者曰師未及國非寡人之所敢知也

冬十有二月辛巳公子驅卒穀梁曰隱不爵命大夫其曰公子驅何也先君之大夫也  
冬十二月辛巳臧僖伯卒公曰叔父有憾於寡人寡人弗敢忘葬之加一等

春秋比事卷一

隱公 九

宋人伐鄭圍長葛穀梁曰伐國不言圍邑此其言圍久之也伐不踰時戰不逐奔誅不填服苞人

宋人伐鄭圍長葛以報入郛之役也

六年甲子晉哀侯元年春鄭人來渝平渝公穀並作輪

六年春鄭人來渝平更成也

翼九宗五正頌父之子嘉父逆晉侯于隨納諸鄂晉人謂之鄂侯

夏五月辛酉公會齊侯盟于艾

夏盟于艾始平于齊也

五月庚申鄭伯侵陳大獲往歲鄭伯請成于陳陳侯不許五父諫曰親仁善鄰國之寶也君其許鄭陳侯曰宋

衛實難鄭何能為遂不許君子曰善不可失惡不可長其陳桓公之謂乎長惡不悛從自及也雖欲救之其將能乎商書曰惡之易也如火之燎于原不可鄉邇其猶可撲滅周任有言曰為國家者見惡如農夫之務去草焉芟夷蘊崇之絕其本根勿使能殖則善者信矣

秋七月公羊曰春秋雖無事首時過則書四時具然後為年

冬宋人取長葛公羊曰外取邑不書此何以書久也

秋宋人取長葛杜註秋取冬乃告也

○冬京師來告饑公為之請糴於宋衛齊鄭禮也○鄭伯如周始朝桓王也王不禮焉周桓公言于王曰我周之東遷晉鄭焉依善鄭以勸來者猶懼不蕪況不禮焉鄭不來矣

春秋比事卷一

隱公 十

七年乙丑春王正月叔姬歸于紀穀梁曰其不言逆何也逆之道微無足道焉爾註云

滕侯卒非卿

七年春滕侯卒不書名未同盟也凡諸侯同盟於是稱名故薨則赴以名告終稱嗣也以繼好息民謂之禮經

夏城中丘

夏城中丘書不時也

齊侯使其弟年來聘公羊曰母弟稱弟穀梁曰以其來接於我舉其貴者也

齊侯使夷仲年來聘結艾之盟也

秋公伐邾

秋宋及鄭平七月庚申盟于宿公伐邾為宋討也

冬天王使凡伯來聘戎伐凡伯于楚丘以歸穀梁曰凡伯

冬天王使凡伯來聘戎伐凡伯于楚丘以歸穀梁曰凡伯

而日伐何也大  
天子之命也

初戎朝于周發幣于公卿凡伯弗賓冬王使凡伯來聘  
還我伐之于楚丘以歸

○陳及鄭平十二月陳五父如鄭泄盟壬申及鄭伯盟  
如志洩伯曰五父必不免不賴盟矣鄭良佐如陳泄盟

辛巳及陳侯盟亦知陳之將亂也○鄭公子忽在王所  
故陳侯請妻之鄭伯許之乃成昏

八年丙寅○曲沃武公稱秦寧公元年春宋公衛侯遇于垂

相見衛侯許之故遇于犬丘

三月鄭伯使宛來歸祊祊公穀並作邴下同○穀梁曰名宛所以貶鄭伯惡與地也  
鄭伯請釋泰山之祀而祀周公以泰山之祊易許田三

月鄭伯使宛來歸祊不祀泰山也

庚寅我入祊穀梁曰入者內弗受也日入惡入者心祊者鄭伯所受命於天子而祭泰山之邑

○夏虢公忌父始作卿士于周○四月甲辰鄭公子忽如  
陳逆婦媯辛亥以媯氏歸甲寅入于鄭陳鍼子送女先  
配而後祖鍼子曰是不為夫婦誣其祖矣非禮也何以  
能育

夏六月己亥蔡侯考父卒

辛亥宿男卒穀梁曰宿微國也未能同盟故男卒也

秋七月庚午宋公齊侯衛侯盟于瓦屋穀梁曰外盟不日之參盟於是始故謹而日之也諸晉不及五帝盟謂不及三王交質子不及二伯

齊人卒平宋衛于鄭秋會于溫盟于瓦屋以釋東門之役禮也

八月葬蔡宣公公羊曰卒何以名而葬不名卒從正而葬從主人卒何以日而葬不日卒赴而葬不

○八月丙戌鄭伯以齊人朝王禮也

九月辛卯公及昔人盟于浮來浮公穀並作包○穀梁曰可言公及人不可言公及

公及昔人盟于浮來以成紀好也

○冬齊侯使來告成三國公使衆仲對曰君釋三國之圖  
以鳩其民君之惠也寡君聞命矣敢不承受君之明德

冬十有二月無駭卒駭穀梁作倭○公羊曰疾始滅故終其身不氏杜曰卒而後賜族故不書

無駭卒羽父請諡與族公問族於衆仲衆仲對曰天子

建德因生以賜姓昨之士而命之氏諸侯以字為諡因  
以為族官有世功則有官族邑亦如之公命以字為展

氏

附錄竹書芮人乘京荀人董伯皆版曲沃

九年丁卯○蔡桓元年春天王使南季來聘

三月癸酉大雨震電庚辰大雨雪穀梁曰八日之間兩有日之也雨月志正也

九年春王三月癸酉大雨霖以震書始也庚辰大雨雪  
亦如之書時失也凡雨自三日以往為霖平地尺為大

雪  
挾卒挾公穀並作俠○公羊曰俠者何吾大夫之未命者也穀梁曰俠者所俠也非大夫者隱不為大夫也  
夏城郎

夏城郎書不時也

秋七月

冬公會齊侯于防防公羊

宋公不王鄭伯為王左卿士以王命討之伐宋宋以入

郭之役怨公不命公怨絕宋使秋鄭人以王命來告

伐宋冬公會齊侯于防謀伐宋也

○北戎侵鄭鄭伯禦之思我師曰彼徒我車懼其侵軼我

也公子突曰使勇而無剛者嘗寇而速去之君為三覆

以待之戎輕而不整貪而無親勝不相讓敗不相救先

者見獲必務進進而遇覆必速奔後者不救則無繼矣

乃可以逞從之戎人之前遇覆者奔祝聃逐之衷戎師

前後擊之盡殲戎師大奔十一月甲寅鄭人大敗戎師

附錄秦本紀寧公徙居平陽遣兵伐蕩社

十年戊辰春王二月公會齊侯鄭伯于中丘

十年壬辰春王正月公會齊侯鄭伯于中丘癸丑盟于鄧為

師期釋例推經傳日月癸丑是正月二十六日知經二月誤

夏蠶帥師會齊人鄭人伐宋

夏五月羽父先會齊侯鄭伯伐宋

六月壬戌公敗宋師于菅穀梁曰丙不言戰舉其辛未取大者也註云敗於戰辛未取

鄆辛巳取防公羊曰取也此何以一而再取之也其之也春秋錄丙而略外於外大惡書小惡不書於丙大惡請小惡書

六月戊申公會齊侯鄭伯于老桃壬戌公敗宋師于菅

庚午鄭師入鄆辛未歸于我庚辰鄭師入防辛巳歸于

我君子謂鄆莊公於是乎可謂正矣以王命討不庭不

食其土以勞王爵正之體也

秋宋人衛人入鄭宋人蔡人衛人伐戴公穀並鄭伯伐取

公羊曰其言伐取之何易也因宋人蔡人衛人之力也穀梁曰不正其因人之力而易取之故主其事也

秋七月庚寅鄭師入郊猶在郊宋人衛人入鄭蔡人從

之伐戴八月壬戌鄭伯圍戴蔡人克之取三師焉宋衛

既入鄭而以伐戴召蔡人蔡人怒故不和而敗

○九月戊寅鄭伯入宋

冬十月壬午齊人鄭人入郟穀梁曰入者內卿受也日入惡入者也

蔡人衛人郟人不會王命冬齊人鄭人入郟討違王命

也

附錄秦本紀與亳戰亳王奔戎遂滅蕩社

十有一年己丑春滕侯薛侯來朝

十一年春滕侯薛侯來朝爭長薛侯曰我先封滕侯曰

我周之卜正也薛庶姓也我不可以後之公使羽父請

於薛侯曰君與滕君辱在寡人周諺有之曰山有木工

則度之賓有禮主則擇之周之宗盟異姓為後寡人若

朝于薛不敢與諸任齒君若辱貶寡人則願以滕君為

請薛侯許之乃長滕侯

夏公穀並有五月字公會鄭伯于時來時來公羊作邾黎

夏公會鄭伯于邾謀伐許也鄭伯將伐許五月甲辰授

兵于大宮公孫闕與穎考叔爭車穎考叔挾軻以走子

都闕拔棘以逐之及大達弗及子都怒

秋七月壬午公及齊侯鄭伯入許

秋七月公會齊侯鄭伯伐許庚辰傅于許穎考叔取鄭

伯之旗螿以先登子都自下射之顛瑕叔盈又以螿  
驅登周麾而呼曰君登矣鄭師畢登壬午遂入許許莊  
公奔衛齊侯以許讓公公曰君謂許不其故從君討之  
許既伏其罪矣雖君有命寡人弗敢與聞乃與鄭人鄭  
伯使許大夫百里奉許叔以居許東偏曰天禍許國鬼  
神實不逞于許君而假手于我寡人寡人唯是一二父  
兄不能供億其敢以許自為功乎寡人有弟不能和協  
而使餉其口於四方其況能久有許乎吾子其奉許叔  
以撫柔此民也吾將使獲也佐吾子若寡人得沒于地  
天其以禮悔禍于許無寧茲許公復奉其社稷唯我鄭  
國之有請謁焉如舊昏媾其能降以相從也無滋他族  
實信處此以與我鄭國爭此土也吾子孫其覆亡之不

春秋比事卷一

隱公

五

暇而況能禮祀許乎寡人之使吾子處此不唯許國之  
為亦聊以固吾圉也乃使公孫獲處許西偏曰凡而器  
用財賄無實於許我死乃亟去之吾先君新已於此王  
室而既卑矣周之子孫日失其序夫許大岳之胤也天  
而既厭周德矣吾其能與許爭乎君子謂鄭莊公於是  
乎有禮禮經國家定社稷序民人利後嗣者也許無刑  
而伐之服而舍之度德而處之量力而行之相時而動  
無累後人可謂知禮矣鄭伯使卒出緘行出大雞以詛  
射穎考叔者君子謂鄭莊公失政刑矣政以治民刑以  
正邪既無德政又無威刑是以及邪邪而詛之將何益  
矣

○王取鄆劉蕩邢之田于鄭而與鄭人蘇忿生之田溫原

締樊隰郟欒茅向盟州陘墮懷君子是以知桓王之失  
鄭也恕而行之德之則也禮之經也已弗能有而以與  
人人之不至不亦宜乎○鄭息有違言息侯伐鄭鄭伯  
與戰于竟息師大敗而還君子是以知息之將亡也不  
度德不量力不親親不徵衛不察有罪犯五不違而以  
伐人其喪師也不亦宜乎○冬十月鄭伯以虢師伐宋  
壬戌大敗宋師以報其入鄭也宋不告命故不書凡諸  
侯有命告則書不然則否師出滅否亦如之雖及滅國  
滅不告敗勝不告克不書於策

春秋比事卷一

隱公

去

冬十有一月壬辰公薨穀梁曰公薨何以不地故也隱之  
不討不書葬以罪下也隱十年無正  
隱不自正也元年有正所以正隱也  
羽父請殺桓公將以求大宰公曰為其少故也吾將授  
之矣使營菟裘吾將老焉羽父懼反譖公于桓公而請  
弑之公之為公子也與鄭人戰于狐壤止焉鄭人因譖  
尹氏賂尹氏而禱於其生鍾巫遂與尹氏歸而立其主  
十一月公祭鍾巫齊于社圃館于寯氏壬辰羽父使賊  
弑公于寯氏立桓公而討寯氏有死者不書葬不成喪  
也公羊曰公子翬諱乎隱公謂隱公曰百地安子諱侯  
也說子翬終為君矣隱公曰否吾使翬塗菟裘將老焉  
公子翬恐若其言聞乎桓於是謂桓曰吾為子口隱矣  
隱曰吾不反也桓曰然則奈何曰請作翬於隱公于鍾  
巫之祭焉  
弑隱公也

春秋經傳比事卷一終

春秋經傳比事卷二

閩 林春溥 鑑塘

桓公名軌惠公之子隱公之弟母仲子

元年庚午春王正月公即位始也繼故不言即位正也繼故

與國乎執也

三月公會鄭伯于垂鄭伯以璧假許田穀梁曰假不言以

而日假謂易地也禮天子在上諸侯不得以地相與也

元年春公即位脩好于鄭鄭人請復祀周公卒易祊田

公許之三月鄭伯以璧假許田為周公祊故也

夏四月丁未公及鄭伯盟于越

夏四月丁未公及鄭伯盟于越結祊成也盟曰渝盟無

享國

春秋比事卷二 桓公

秋大水

秋大水凡平原出水為大水

冬十月穀梁曰無事焉何以書不

○冬鄭伯拜盟○宋華父督見孔父之妻于路目逆而送

之曰美而豔

二年春王正月戊申宋督弑其君與夷及其大夫孔父

穀梁曰桓無王其曰王何也正與夷之卒也孔

父先死其曰及何也書尊及卑春秋之義也

二年春宋督攻孔氏殺孔父而取其妻公怒督懼遂弑

殤公君子以督為有無君之心而後動於惡故先書弑

其君

滕子來朝

三月公會齊侯陳侯鄭伯于稷以成宋亂公羊曰內大

何遠也隱亦遠矣楊為隱諱隱賢而桓賤也

會于稷以成宋亂為賂故立華氏也宋殤公立十年十

一戰民不堪命孔父嘉為司馬督為大宰故因民之不

堪命先宣言曰司馬則然已殺孔父而弑殤公召莊公

于鄭而立之以親鄭以郕大鼎賂公齊陳鄭皆有賂故

遂相宋公

夏四月取郕大鼎于宋戊申納于大廟

夏四月取郕大鼎于宋戊申納于大廟非禮也臧哀伯

諫曰君人者將昭德塞違以臨照百官猶懼或失之故

昭令德以示子孫是以清廟茅屋大路越席大羹不致

棗食不鑿昭其儉也衮冕黻帶裳幅舄衡紘紃紕昭

其度也藻率鞞鞶厲游纓昭其數也火龍黼黻昭其

春秋比事卷二 桓公

文也五色比象昭其物也錫鸞和鈴昭其聲也三辰旒

旗昭其明也夫德儉而有度登降有數文物以紀之聲

明以發之以臨照百官百官於是乎戒懼而不敢易紀

律今滅德立違而實其賂器於大廟以明示百官百官

象之其又何誅焉國家之敗由官邪也官之失德寵賂

章也郕鼎在廟章孰甚焉武王克商遷九鼎于雒邑義

士猶或非之而況將昭違亂之賂器於大廟其若之何

公不聽周內史聞之曰臧孫達其有後於魯乎君違不

忘諫之以德

秋七月杞侯來朝杞公穀並作紀○穀梁曰朝時此其月

齊侯陳侯鄭伯討鄭日內秋其君外成人之亂於是為

是事而朝之惡之故謹而月之也

秋七月杞侯來朝不敬杞侯歸乃謀伐之

蔡侯鄭伯會于鄧

蔡侯鄭伯會于鄧始懼楚也

九月入杞

九月入杞討不敬也

公及戎盟于唐

公及戎盟于唐脩舊好也

冬公至自唐

冬公至自唐告于廟也凡公行告于宗廟反行飲至舍爵策勳焉禮也特相會往來稱地讓事也自參以上則往稱地來稱會成事也

往稱地來稱會成事也

○初晉穆侯之夫人姜氏以條之役生大子命之曰仇其弟以千畝之戰生命之曰成師師服曰異哉君之名子

春秋比事卷二

桓公

三

也夫名以制義義以出禮禮以體政政以正民是以政成而民聽易則生亂嘉耦曰妃怨耦曰仇古之命也今君命大子曰仇弟曰成師始亂矣兄其替乎惠之二十四年晉始亂故封桓叔于曲沃靖侯之孫欒賓傳之師服曰吾聞國家之立也本大而末小是以能固故天子建國諸侯立家卿置側室大夫有貳宗士有隸子弟庶人工商各有分親皆有等衰是以民服事其上而下無覲覲今晉甸侯也而建國本既弱矣其能久乎惠之三十年晉潘父弑昭侯而納桓叔不克晉人立孝侯惠之四十五年曲沃莊伯伐翼弑孝侯翼人立其弟鄂侯鄂侯生哀侯哀侯侵陘庭之田陘庭南鄙啟曲沃伐翼

年公馮阮仲

○三年春曲沃武公伐翼次于陘庭韓萬御戎梁弘為右

逐翼侯于汾隰驂絰而止夜獲之及樂其叔國語曰武

哀侯止樂其子曰苟無死吾以子見天子令子為上卿制晉國之政辭曰成聞之民生於三事之如一父生之師教之君食之推其所在則致死焉臣敢以私利廢人之道君何以訓矣遂圖而死

春正月公會齊侯于贏

會于贏成昏于齊也

夏齊侯衛侯胥命于蒲

公羊曰胥命者何相命也何言乎相命近正也古者不盟結言而退

六月公會杞侯于郕杞求成也

公羊曰郕杞求成也

秋七月壬辰朔日有食之既

公子翬如齊逆女

春秋比事卷二

桓公

四

秋公子翬如齊逆女脩先君之好故曰公子

九月齊侯送姜氏于謹公羊曰諸侯越竟送女非禮也入之於子雖為鄰國夫人猶曰吾姜氏穀梁曰禮送女母不下堂母不出祭門諸母兄弟不出闕門父成之日謹

齊侯送姜氏非禮也凡公女嫁于敵國姊妹則上卿送之以禮於先君公子則下卿送之於大國雖公子亦上卿送之於天子則諸卿皆行公不自送於小國則上大夫送之

公會齊侯于謹公羊曰無譏乎曰為禘也齊侯來也公之逆而會之可也

夫人姜氏至自齊何也公親受之於齊侯也

冬齊侯使其弟年來聘

冬齊仲年來聘致夫人也

冬齊仲年來聘致夫人也

有年公羊曰以書也

○萬伯萬之母芮姜惡芮伯之多寵人也故逐之出居于魏

四年癸酉晉小春正月公狩于郎公羊曰常事不書此何以書遠也

四年春正月公狩于郎書時禮也

夏天王使宰渠伯糾來聘公羊曰下大夫也

夏周宰渠伯糾來聘父在故名

○秋秦師侵芮敗焉小之也○冬王師秦師圍魏執芮伯以歸

五年甲戌春正月甲戌己丑陳侯鮑卒

五年春正月甲戌己丑陳侯鮑卒再赴也於是陳亂文公子佗殺大子免而代之公疾病而亂作國人分散故

春秋比事卷二

桓公

五

再赴

夏齊侯鄭伯如紀

夏齊侯鄭伯朝于紀欲以襲之紀人知之

天王使仍叔之子來聘仍叔梁作任○公羊曰譏父老子代從政也穀梁曰不正父在子代

仍叔之子弱也傳在王伐鄭之後

葬陳桓公

城祝丘

秋蔡人衛人陳人從王伐鄭公羊曰從王正也穀梁曰為天王討伐鄭也鄭同姓之國也

王奪鄭伯政鄭伯不朝

秋王以諸侯伐鄭鄭伯禦之王為中軍號公林父將右軍蔡人衛人屬焉周公黑肩將

左軍陳人屬焉鄭子元請為左拒以當蔡人衛人為右拒以當陳人曰陳亂民莫有關心若先犯之必奔王卒

顧之必亂蔡衛不枝固將先奔既而萃於王卒可以集

事從之曼伯為右拒祭仲足為左拒原繁高渠彌以中軍奉公為魚麗之陳先偏後伍伍承彌縫戰于緡葛命

二拒曰旆動而鼓蔡衛陳皆奔王卒亂鄭師合以攻之王卒大敗祝聃射王中肩王亦能軍祝聃請從之公曰

君子不欲多上人況敢陵天子乎苟自救也社稷無隕多矣夜鄭伯使祭足勞王且問左右

大雩

秋大雩書不時也凡祀啟蟄而郊龍見而雩始殺而嘗閉蟄而烝過則書

春秋比事卷二

桓公

六

冬州公如曹

冬淳于公如曹度其國危遂不復

六年乙亥○史表陳歷公他元年世家作佗春正月寔來

六年春自曹來朝書曰寔來不復其國也

○楚武王侵隨使薳章求成焉軍於瑕以待之隨人使少師董成鬬伯比言於楚子曰吾不得志於漢東也我則

使然我張吾三軍而被吾甲兵以武臨之彼則懼而協

以謀我故難問也漢東之國隨為大隨張必棄小國小國離楚之利也少師侈請羸師以張之熊率且比曰季

梁在何益鬬伯比曰以為後圖少師得其君王毀軍而

納少師少師歸請追楚師隨侯將許之季梁止之曰天



方授楚楚之羸其誘我也君何急焉臣聞小之能敵大也小道大淫所謂道忠於民而信於神也上思利民忠也祝史正辭信也今民餒而君逞欲祝史矯舉以祭臣不知其可也公曰吾牲牷肥腍粢盛豐備何則不信對曰夫民神之主也是以聖王先成民而後致力於神故奉牲以告曰博碩肥腍謂民力之普存也謂其畜之碩大蕃滋也謂其不疾疫蠶也謂其備臍咸有也奉盛以告曰絜粢豐盛謂其三時不害而民和年豐也奉酒醴以告曰嘉栗旨酒謂其上下皆有嘉德而無違心也所謂馨香無譏愿也故務其三時脩其五教親其九族以致其禮祀於是乎民和而神降之福故動則有成今民各有心而鬼神之主君雖獨豐其何福之有君姑脩政

春秋比事卷二

桓公 七

而親兄弟之國庶免於難隨侯懼而脩政楚不敢伐日楚伐隨隨日我無罪楚日請王室尊吾號隨人為之周請尊楚王室不聽

夏四月公會紀侯于成成穀梁

夏會于成紀來諸謀齊難也

○北戎伐齊齊侯使乞師于鄭鄭大子忽帥師救齊六月大敗戎師獲其二帥大良少良甲首三百以獻於齊於是諸侯之大夫戍齊齊人饋之餼使魯為其班後鄭鄭忽以其有功也怒故有郎之師公之未昏於齊也齊侯欲以文姜妻鄭大子忽大子忽辭人問其故大子曰人各有耦齊大非吾耦也詩云自求多福在我而已大國何為君子曰善自為謀及其敗戎師也齊侯又請妻之固辭人問其故大子曰無事於齊吾猶不敢今以君命

奔齊之急而受室以歸是以師昏也民其謂我何遂辭諸鄭伯

秋八月壬午大閱殺梁曰平而脩戎事非正也其日以爲崇武故謹而日之蓋以觀婦人也

秋大閱簡車馬也

蔡人殺陳佗公羊曰陳君則易爲謂之陳佗絕也淫乎蔡人爭禽蔡人不知其是陳君也而殺之陳世家曰厲公取蔡女數如蔡淫七年太子免之弟躒林杵曰共令蔡人誘公以好女而殺之而立躒是爲利公異

九月丁卯子同生公羊曰喜有正也殺梁曰疑故志之時人曰同乎人也

九月丁卯子同生以大子生之禮舉之接以大牢卜士負之士妻食之公與文姜宗婦命之公問名於申繻對曰名有五有信有義有象有假有類以名生爲信以德命爲義以類命爲象取於物爲假取於父爲類不以國

春秋比事卷二

桓公 八

不以官不以山川不以隱疾不以畜牲不以器幣周人以諱事神名終將諱之故以國則廢名以官則廢職以山川則廢主以畜牲則廢祀以器幣則廢禮晉以僖侯廢司徒宋以武公廢司空先君獻武廢二山是以大物不可以命公曰是其生也與吾同物命之曰同

冬紀侯來朝

冬紀侯來朝請王命以求成于齊公告不能

七年丙子○陳厲公元年春二月己亥焚咸丘公羊曰疾始以火攻也

夏穀伯綏來朝鄧侯吾離來朝公羊曰皆何以名失地之君也其稱侯朝何貴者無後待之

七年春穀伯鄧侯來朝名賤之也

夏盟向求成于鄭既而背之秋鄭人齊人衛人伐盟向